



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

აკეს სტატერი



აკეს სტატერი. ოქრო. ძვ. წ. III ს. ჯანაშიას სახელობის საქართველოს სახელმწიფო მუზეუმი. თბილისი

აკეს სტატერი, ელინისტური ხანის (ძვ. წ. III ს.) ოქროს მონეტა, ლისიმაქეს სტატერის მინაბადი.

მხატვრული და ტექ. შესრულებით არ ჩამოუვარდება პროტოტიპს. მასა - 8,45 გ. ოქრო მაღალი ხარისხისაა. მონეტის ავერსზე გამოსახულია ალექსანდრე მაკედონელის პროფილი, რევერსზე - ქალღმერთი ათენა და ბერძნ. წარწერა Basileos Aki - აკე მეფისა. მეფის სახელი აკე სხვა წყაროებით უცნობია. ზოგი მეცნიერი თვლის, რომ იგი კოლხეთის მეფე იყო. მეცნიერებისათვის ცნობილია ორი ასეთი სტატერი, ორივე აღმოჩენილია ძვ. კოლხეთის ტერიტორიაზე: ერთი ტრაპიზონის (თურქეთი) მიდამოებში

(დაცულია პარიზის მედლების კაბინეტში), მეორე - ხონის მუნიციპ-ის სოფ. კინჩხაში (ინახება საქართველოს ეროვნ. მუზეუმის ს. ჯანაშიას სახ. საქართვე. მუზეუმში).

ლიტ.: დ უ ნ დ უ ა გ., ჯ ა ლ ა ღ ა ნ ი ა ი., ქართული ნუმისმატიკური ლექსიკონი, 2009; კ ა პ ა ნ ა ძ ე დ., ქართული ნუმისმატიკა, თბ., 1969; მ ი ს ი ვ ე , Новые материалы к изучению статеров царя Аки, «Вестник древней истории», 1948, № 1; მ ი ს ი ვ ე , О достоверности имени, выбитого на статере базилевса Аки, იქვე, 1949, № 1; Х а р к о А. П., Существовал ли царь Аkes?, იქვე, 1948, № 2.

დ. კაპანაძე